



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. XIII. Eligitur sententia affirmans.

[urn:nbn:de:hbz:466:1-73031](#)

§. XIII.

Eligitur sententia affirmans.

§58. **S**ententia affirmans tenet, in dubio, an detur, vel non detur lex prohibens aliquem actum, dubitatem posse dubium ritè deponere per judicium negativum (nempe, non dari legem illam, quoad vim obligandi ad omittendum illum actum vitalis legis) conceptum ex regula, quod titulus possessionis libertatem in jure immunitatis ab obligatione illius legis, de cuius existentia dubitabatur, potiorem faciat ejus conditionem. Hanc sententiam tenent complures ex gravibus Authoribus. Nam in quæstione: an, sicut à sufficienti diligentiā ad investigandam veritatem, adhuc dubius es de lege, vel præcepto; te non teneri illo, docet Suarez tom. 5. in 3. p. D. 40. S. 5. n. 15. Thomas Sanchez l. 2. de matr. D. 41. n. 36. & l. 1. in Decal. c. 10. n. 32. Villalobos, Henriquez, Emmanuel Sa, & alij, quos citat, & sequitur Castropalaus P. 1. tr. 1. D. 3. p. 7. n. 1. qui n. 2. cum Thoma Sanchez cit. c. 10. n. 33. & Salas tr. 8. D. unic. S. 25. n. 258. idem sentit, quoties dubitas, an lex ad aliquem casum se extendat? Pro eadem affirmante refert ipse Muniesa cit. §. 5. n. 39. Terillum, Moyam, Tapiam, Tamburinum l. 1. Decal. c. 3. §. 7.

§59. Pro resolut. not. 1. non esse dubium, quod lex divina sive naturalis, sive positiva, tempore sit anterior libertate creata. Illa enim ab æterno est; hæc in tempore. Sed hoc non impedit etiam certam possessionem creatæ libertatis contra legem sive divinam, sive humanam, ut constabit ex sequentibus. Not. 2. certum quoque vide ri quandoque libertatem hominis esse in possessione contra legem, etiam divinam, & humanam. Nam *possessio libertatis contra legem*, est immunitas ab obligatione ponendi, vel omittendi aliquem actum, atqueadè potestas faciendi, vel omittendi talem actum absque peccato formaliter imputabili. Ipse enim Muniesa fatetur cit. 2. 7. n. 79. idem esse, habuisse, vel habere potestatem moralem juris ad licitè, ac impeccanter exercendum aliquem actum, ac fuisse, & esse in possessione libertatis moralis ad licitè, & impeccanter exercendum aliquem hic & nunc actum. Ex

quo per oppositum rectè sequitur, possessionem legis contra libertatem, esse potestam stringendi libertatem ad ponendum, vel omittendum aliquem actum, ut secùs agens pro sensu composito talis potestatis, & vinculi, eo ipso peccet imputabiliter; sed illa potestas quandoque est in libertate, ut mox dicemus à n. 863. ergo.

Dixi: si secus faciat *pro sensu composito* 860, *talis potestatis, & vinculi*, nimitem, omissionem actus ponendi, vel positionem actus omittendi ex lege, componendò cum existentia legis cognitæ. Nam, si per omissionem actus ex lege ponendi, vel positionem actus omittendi dividat existentiam legis à tali omissione, vel positione actus; sicut justus peccando dividit gratiam, hoc est, facit, ne tunc sit gratia, alias extitura; & prædefinitus ad actum, omittendò illum dividit prædefinitionem, hoc est, facit, ne tunc sit prædefinition, quando ponitur omission actus, qui dependenter à scientia media prædefinitus est, nihil omnino agit contra gratiam, vel prædefinitionem, utpote tunc non existentem; ita omittens actum præceptum profensi diviso præcepti, nihil agit contra præceptum. Et ideo in tractatu *de obedientia Christi* docui, quod necessitas faciendi actum, quam imponit præceptum existens dependenter à scientia media de aliunde futura liberè substantia talis actus, non importet determinatè potentiam peccandi, sed vel faciendi actum, vel per ejus omissionem dividendò præceptum, hoc est, faciendò, quod tunc non existeret existente omissione actus præcepti.

Not. 3. nullam legem habere potestatem, seu vim obligandi libertatem hominis sub peccato formaliter imputabili, nisi ea lex existat, & eam existere sufficienter intimetur voluntati. Nam certum videtur. 1. nulla lege existente, nullam ejus esse obligationem; omnia enim nobis licent, quæ nullâ lege prohibentur; & prius est, legem esse, quam activè obligare. Certum videtur. 2. nulli legi esse potestatem obligandi hominem sub peccato formaliter imputabili, invincibiliter, ac circa culpam ignorantem existentiam legis. Imputabilitas enim formalis supponit liberam transgressionem legis ritè cognitæ; quæ legem inculpatè ignorantis impossibilis est. Ex hoc sequitur, nullam legem esse in posselli-

possessione certa contra libertatem, quo-
ad vim eam obligandi, quantum ejus exi-
stentia libertati solum dubia, aut incerta
est. Nam de cuius existentia dubium,
aut incertum est, de eo etiam dubium, ac
incertum est quoad ea, quae supponunt
ejus existentiam; sed vis obligandi sub pec-
cato formaliter imputabili, supponit, le-
gem existere, legem conditam esse; ergo
quamdiu dubium est, vel incertum, quod
lex existat, dubium, ac incertum est, quod
habeat vim obligandi, & consequenter
quoad hanc vim sit in certa possessione
contra libertatem.

Not. 4. certum esse, quod non omnis
lex etiam divina habeat vim obligandi ab-
solutam, sed solum ex suppositione. Nam
obligatio restitutionis est ex lege Dei, &
naturae; sed non habet vim obligandi, ni-
si ex suppositione legis alieni; obligatio
retractandi peccatum ad obtinendam ve-
niā, vel confitendi, est ex suppositione
peccati commissi; & sic de plurimis tam ju-
ris naturalis, quam positivi, aequē huma-
ni, ac divini; ergo antequam certa sit si p-
positio, penes ejusmodi leges non est cer-
ta possessio, seu jus obligandi sub peccato
formaliter imputabili.

Not. 5. certum esse, quod frequenter
homo certus sit, quantum humanitus sie-
ri potest, se non fecisse actum, quo, certò
supposito, subintraret lex vel divina,
vel humana, & veniret in certam posses-
sionem, quoad vim obligandi. Nam si
certum mihi sit, me non peccasse gravi-
ter, libertas mea est in certa possessione
contra obligationem confitendi: tunc e-
nim habet potestatem etiam moralem o-
mittendi confessionem, à Deo sibi con-
cessam. Similiter certus, se non dedisse
fidem matrimonij de futuro est in certa
possessione contra jus, & legem natura-
lem, quae jubet implere promissum, sed
solum ex suppositione datae fidei.

Not. 6. omnino verum esse, posses-
sionem libertatis certam esse contra legis o-
bligationem, quoties ejus existentia in-
culpatè ignoratur. Nam possessio liber-
tatis contra obligationem legis, est po-
testas faciendi, vel omitendi actum aliquem
citra culpam ex n. 859. sed haec potestas
certa est penes libertatem inculpatè igno-
rantem, legis existentiam prohibentis ta-
lem actum, vel omissionem; ergo & pos-

sessio libertatis, contra legis obligationem.
Nunc ponamus casum. Titius haec tenus
inculpate ignoravit, hunc contractum A
esse simoniacum; consequenter haec tenus
fuit in certa possessione contra legem, ti-
tulō simoniae prohibentem contractum A;
haec tenus enim citra labem, seu culpam
simoniae, formaliter imputabilis, potuit
illum contractum celebrare; cum etiam
contrarij concedant, quod potuerit illum
citra culpam simoniae formaliter imputa-
bilis, stante illa ignorantia inculpata cele-
brare. Supponamus, quod deinde Titio
superveniat dubium merè negativum, an
talis contractus sit, necne, simoniacus?
non video, qualiter certa possessio liberta-
tis, quam habuit ante subortum hoc du-
bium, per dubium hoc merè negativum
superveniens evertatur; supponamus sub-
sequi, ad certam illam possessionem liber-
tatis contra legem, dubium positivum ex
opinionibus sibi oppositis, & probabilibus,
& solum objective existentibus in mente
Titij; neutra tamen alteram notabiliter,
ratione, quibus nituntur, excedente; nec in hoc casu video per ejusmodi
purum dubium everti præexistentem li-
bertatis possessionem contra legem; sicut
nec reverā contrarij dicere possunt, bo-
nam fidem in aliquo præexistentem ever-
ti. Inculpatè autem ignorans, operatur
cum bona fide; ergo sicut possessio bonæ
fidei, sic inculpatè ignorans, etiam dato
ejusmodi superveniente dubio non amittit
possessionem præexistentem; at hoc
contingit in materiis etiam extra iustiti-
am, ut ostensum est haec tenus; ergo.

Consideremus nunc rationes in contra-
rium. Ad 1. in n. 855. N. maj. ad hu-
jus prob. data maj. N. min. ad istius prob.
ubi queritur, ubi sit possessio? R. esse pe-
nes libertatem, etiam superveniente du-
blio, de quo à n. priori; hinc nego, quod
Titius, ante illud dubium superveniens,
ac inculpatè ignorans, existere legem pro-
hibentem ejusmodi contractum, nunquam
habuerit libertatem moralem, seu juris,
inculpate, seu citra culpam imputabilem
eum contractum celebrandi; & ideo N.
conseq. ex ratione data n. preced.

Ad 2. rat. in n. 858. R. dato anteced.
N. conseq. pro casu dubij negativi, vel e-
tiam positivi, ex opinionibus probabilibus
contrariis, neutra alteram notabiliter ex-
cedente.

cedente. De casu autem, quo una pars contradictionis notabiliter in probabilitate alteram excederet, dicemus *infra*. Hic enim aliud non intendimus, quā ostendere, quōd quandoque certa possessio stet pro libertate contra obligationem legis; & homo, qui hactenus ejusmodi libertatis possessionem habuit, ubi dubium supervenerit, recte deponere possit dubium, per judicium desumptum ex titulo possessionis præhabitæ, nec per ejusmodi supervenientis dubium everfæ, etiam *extra materiam justitiae*. Cæterum textus D. Augustini cit. n. 865. non aptè producitur ad intentum. Nam juxta P. Muniesam, & satis communem sententiam aliorum, *Titius licet amplectitur opinionem pro libertate contra legem, quando ei probabilius est illa*, quæ stat pro lege contra legem; & tamen, *incertum est*, an sit peccatum id, quōd operans juxta illum probabiliorem efficit; major enim probabilitas actui relinquit suam incertitudinem; *incertum ergo ibi Sanctus Doctor sumit pro dubio*, cum quo, si quis id, de quo dubitat, an sit peccatum, efficit, omnino certum peccatum est.

867. Ad 3. rationem in n. 857. scilicet à nobis concedi, sapientius certam esse possessionem pro libertate morali, contra legem; & nego subsumptam min. ex dict. à n. 859. Nam etiam juxta Muniesam, *citra culpam, formaliter imputabilem, operatur homo, mentiendò v. g. quando inculpatè judicat, se hic, & nunc, ne transgrediatur legem sibi per errorem invincibilem propositam, debere mentiri*; ergo tunc potest, seu habet potestatem moralem, ac juris, citra culpam mentiendi; hanc autem potestatem utique habet à Deo; ergo.

868. Dices cum codem Authore stimulat. 7. §. 7. n. 78. tota ratio pro possessione libertatis contra legem est, quod homo antecedenter ad intimationem legis, inculpatè prius ignorata, habebat potestatem, impeccanter, & licet faciendi talum contractum, & nec dum certò constet de lege, qua ipsi fiat illicitus, quamvis ipse opinetur probabilius, esse usurarium, vel simoniacum, dum alij opinantur, non esse: quo posito sic progreditur: Bene quidem possessio illa antecedens erat certa ad exercendum contractum, nullatenus homini proposita lege prohibente; & certa non erat

ad exercendum contractum, dum constaret certò de lege prohibente: ad exercendum verò licet contractum dum operans opinatur, aut verosimilius ipsi proponitur esse usurarium, atqueadè lege prohibitum, affirmant adversarij fuisse tunc, & nunc etiam esse homini potestatem; nos autem negamus, & esse, & fuisse; ergo ad summum est possessio incerta, utpote versans sub hominum opinionibus; hoc est luce clarius; ita ille.

Ex hoc tria subinfert n. 79. Primum: 869. Adversarios ludere verbis, petere principium, & respondere per questionem: idem enim est, *hominem habuisse, & habere potestatem moralem juris ad licet, seu impeccanter exercendum in presenti casu contractum, ac, fuisse, & esse in possessione libertatis moralis, ad licet, & impeccanter contrahendum in hoc casu*: nos utrumque negamus. Adversarij utrumque affirman: & pro ratione libertatis, & potestatis moralis dant *possessionem libertatis*: & pro ratione possessionis libertatis dant *potestatem moralem ad id licet faciendum*; quod est circuire collusoriè, petendò principium, nullam aliam dantes rationem suæ doctrinæ in re gravissima ad mores maximè pertinente.

Secundum: eandem nobis esse difficultatem de asserta illa possessione libertatis, ac de potestate morali juris in homine illo ad id licet faciendum in occurso legis sic ipsi proposita: & de utroque pariter queritur responsum. Respondere autem, manere in homine sic constituto possessionem libertatis, & potestatem moralem juris ad id tunc licet faciendum; *quia possidet libertatem ad id tunc licet faciendum, dum certò non constet de lege*; est in re dicere possidet, quia possidet.

Tertium: possessionem illam libertatis ad id tunc licet faciendum, utpote non minus incertam, quā sit potestas ad id licet faciendum, suffragari nullatenus homini posse ad licet operandum in prædicto casu. Quod sic ostendit ibidem n. 80. Regula juris: *melior est conditio possidentis*: habet locum, quando alioquin iura sunt paria, seu dubia pro utraque parte, & pro una stat certa possessio: tunc enim manutinetur possessor in re, quam possidet, donec per aliud judicium petitorij, seu de jure proprietatis, decidatur lis. At, quando

quando possessio est dubia pro utraque parte, ideoque sub lite, neutri potius suffragatur: & litigatur de possessione, de qua judicatur seorsim in possessorio (hoc in humanis est certum) at homines iij versus Deum volunt, quod possesso ad summum dubia, & sub lite, suffragetur libertati contra Dei legem; ac si causâ jam Deus in possessorio cecidisset; cum tamen sit adhuc sub lite qualisqualis illa possesso: ut vel ex hoc admireremur, adhuc stando illi regulæ juris, quam sint erga Deum mendaces Filii hominum in stateris.

872. Resp. datam object. in n. 868. recedere à statu questionis propositæ. Hæc enim est, an in casu dubij, num detur, vel non detur lex divina prohibens exercitium talis contractus, vel operis, etiam extra materiam justitiae locus sit regulæ: in dubio melior est conditio possidentis; & consequenter, an dubitans in ejusmodi casu dubij propriè dicti recte utatur in favorem suum eâ regulâ, & titulô possessionis, quæ antecedenter ad illud dubium subjectivè in illo erat, recte deponat dubium resolvendò se pro parte, cui faveat possesso? objectio autem loquitur de casu, quo, qui antecedenter ad legis intimationem habebat potestatem exercendi contractum illum impeccanter, & licetè, ipse opinatur probabilius contractum esse usurarium, alius probabiliter opinantibus, non esse, quod utique longè aliud est à priori, ubi ponitur casus dubij in operante. Cum autem reliqua, quæ subinfert Muniesa (de quibus suprà) non tangant statum presentis questionis, an in dubio, etiam extra materiam justitiae, locus sit regulæ, de qua nunc agimus; sed solum ejus, an, quando probabilius adharet parti tutiori, seu remotiori à peccato, & flanti contra libertatem, tueri se possit eâ regulâ, de quo nunc non agimus, acturi tamen infra, ibidem ad ea respondebimus.

§. XIV.

An dubitans citra culpam se resolvere possit pro parte favente libertati contra legem, nixus eâ regulâ, quod in dubbio potior sit conditio possidentis?

873. Supponendum, nos loqui primò de causa, quo Titius antecedenter ad tale du-

Tom. I.

bium, impeccanter, & licetè poterat facere actum, de cuius lictio exercitio supervenit deinde dubium merè negativum. Quod homo antecedenter ad tale dubium posuit licetè facere actum aliquando, qui postea subjicitur dubio, ex eo constat; quia sæpe fit, quod antecedenter ad illud dubium fuerit in statu inculpatæ ignorantiae, de prohibitione, vel malitia actus, quin etiam leviter occurreret obligatio non ponendi talem actum. Vnde status questionis reducitur ad casum, quo homo, antequam subsequeretur dubium illud merè negativum, erat in certa possessione immunitatis ab obligatione (quem casum dari posse, nec everti per dubium superveniens, jam probatum est) & de hoc quætitur, an tunc licetè deponat dubium, & se resolvat pro parte contra legem ex titulo possessionis pro se certæ? si post sincerum examen, vel inquisitionem de rei veritate adhuc manet dubius?

Responso est affirmativa, quam tenent 874. Authores jam relati superius; nam, qui post sincerum examen, & inquisitionem, de rei veritate hæret negativè dubius, circa opus particulare in datis circumstantiis, occurrente tamen ea regula, quod is, cui faveat hic & nunc possesso contra alterum, habeat potiorem causam non tantum in materia justitiae, sed quavis alia, licetè; ac prudenter (saltē negativè) judicare potest, se citra culpam operari posse, ut antè, consequenter dubio deposito transfire ad operationem; sed hoc contingere potest: ergo. Maj. prob. nam in eo casu certa possesso stat pro libertate, ut constat ex n. 864. cum per superveniens dubium negativum non evertatur; 2. dicta regula, quod possesso, si certa sit, potiorem faciat causam possidentis, contra non possidentem, cæteris paribus, locum habeat etiam extra materiam justitiae, constat ex n. 864. Denique, quod inclinatus, seu persuasus ex eo principio, & judicans pro sua libertate contra legem, formet judicium prudens pro habente certam possessionem contra legem, quando agitur de materia justitiae, concedunt Adversarij juxta dicta suprà: at eadem ratio est in alia materia, quando possesso certa est penes libertatem, ut constat ex n. 858. ergo. Minor autem est per se clara ex ipso casu proposito; ergo.

D d

Dices:

875. Dices: in dubio, an detur, vel non detur lex prohibens aliquem actum? si dubium vinci non potest, etiam post diligentiam debitam in examine veritatis, certum est principium, quod tutior pars, seu remotior à peccato, eligenda sit ex obligatione; sed in praesenti est talis casus; ergo in praesenti eligenda est pars tutior, seu remotior à peccato; sed haec est pro lege contra libertatem; ergo. q. veram esse majorem, quando non suppetit aliud principium rationabile, deponendi dubium, seu rationabiliter assentiendi parti, quæ favet libertati contra legem, ut diximus à n. 881. sed in praesenti adest rationabile principium, quod in casu negativè dubij, dubio superveniente ipsi certæ possessioni (quam antecedenter ad illud habuit libertas) nempe illa regula: *titulus certæ possessionis contra non possidentem faciat potiorem causam possidentis*; ergo in dato casu non est locus regulæ de tutiori parte, seu à peccato remotiori, eligenda, ex obligatione.

876. Quæstio altera est, an dubitans positivè, citra culpam se resolvere possit pro parte favente libertati contra legem; nixus eâ regulâ, quod in dubio potior sit conditio possidentis? Pro resolutione supponamus casum: Titius, laborans inculpatè ignorantia legis prohibentis aliquem contractum, tanquam usurarium, vel simoniacum; sub hoc incidit in libros Doctorum, scribentium pro, & contra in ea materia, ex quibus aliqui affirmant, aliqui negant existentiam talis legis; Titius autem cognoscit utriusque partis sententiam, *objectivè probabilem*, hoc est, eam à suis Authoribus haberi ut talem, quin illi una præ alia sit probabilis subiectivè; hoc est, quin ipse unam præ alia judicet talem, qualis à suis Authoribus asseritur; nec post diligens examen juxta captum, & modulum suum, ex principiis eorum pro una, vel altera parte ferat sententiam, aut ferre possit pro una parte determinatè, intellectu proinde in suspenso manente: in hoc casu quæstio est, an duarum opinionum objectivè solùm probabilium Titio, nullius partis rationibus alteri prævalentibus notabiliter, Titius licet deponat

dubium, per judicium, quo adhæreat opinioni neganti existentiam talis legis, subnixum motivis ejus, non solitariè, sed simul sumptis cum ea regula, quod in dubio, seu pari causa titulus possessionis certe contra legem præhabita, potiorem nunc faciat conditionem libertatis contra legem? Responsio est affirmativa; & ratio eadem est, quæ n. 874. quæ confirmatur ex eo, quia (ut faretur Muniesa, &c omnes, qui volunt, obligationem esse, sequendi partem probabiliorem, seu remotiorem à falsitate, in concursu opinionum inæqualiter probabilium, sive major probabilitas stet pro, sive contra legem, ut notavimus ex eorum mente superius) si opinio pro libertate sit probabilius opinione stante pro lege, licet illam sectamur, & deponimus dubium; at in casu, quo ex sententiis oppositis solùm objectivè probabilibus Titio nascitur dubium, quid in praxi, seu executione sequatur? opinio pro libertate ex principiis ejus directis, conjunctis cum certa possessione præhabita, nec per ullam ex objectivè solùm illi probabilibus versâ, neutra multùm alteri præponderante, per reflexionem ad regulam, quod titulus certæ possessionis præhabita, nec adhuc sublatæ, appetit illi oppositâ probabilius; ergo illi accedendô per suum judicium, ritè deponit dubium, & juxta tale judicium impeccanter, ac licet operatur.

Ex hoc colliges, et si fundamenta, quæ 877. probabilitè suadent existentiam legis contra libertatem, de se apta sint causare formidinem, de qua à n. 845. nimirum, quod opinio stans pro libertate fortè fallat, & consequenter juxta illam operans peccet; hanc tamen formidinem prudenter contemni, ac excludi posse per judicium contrarium, quo quis accedit opinioni directæ, quæ favet libertati, conceptum ex motivis opinionis directæ, faventis libertati contra legem, conjunctis cum titulo certæ possessionis à libertate præhabita contra legem, nec eversæ per fundamenta contraria; ratio constat ex dictis; quia judicium, quo in dato casu accedit parti pro libertate contra legem, prudens est saltem negativè, ac probabilius opposito.